

Date – 28/02/2026

Time - 7:30 -7:40 Hrs

AKASHVANI AIZAWL
REGIONAL NEWS BULLETIN
HEADLINES (MORNING)

1. Chief Minister Pu Lalduhoma'n The Mizo Marriage and Inheritance of Property (Amendment) Bill, 2026 chu sorkar tih ni hran lovin pawl hrang hrang 10 aiawh te awmna Mizo hnam dan review committee rawtna an pulut mai a ni a ti.
2. MHIP-in The Mizo Marriage and Inheritance of Property (Amendment) Bill, 2026 chu Mizo hmeichhia te tan tha tawh lo nia sawiin sut a, siamtha leh turin an phut tih an sawi.
3. Ni 3 chung awh Aizawl Day hman zawh a nih hnuah mipui te ngenna vangin wawiin thleng pawh sei leh a ni.
4. Chief Electoral Officer Dr. Lalrozaman April thla atanga Mizorama kalpui tan tur, Special Intensive Revision chungchangah political party aiawhte meeting a neihpui.



CM

Chief Minister Pu Lalduhoma'n tunhnaia Dan an siamthat social media-a sawi hlawh tak, The Mizo Marriage and Inheritance of Property (Amendment) Bill, 2026 chu sorkar tih ni hran lovin pawl hrang hrang 10 aiawh te awmna Mizo hnam dan review committee rawtna an pulut mai niin a sawi.

He thu hi nimina Congress MLA Pu C. Ngunlianchunga private member resolution sawihona hunah sawiin, Chief Minister chuan Thawhlechia an pass tak The Mizo Marriage and Inheritance of Property (Amendment) Bill, 2026, chu sorkar tih ni hran lovin, Central YMA, MUP, MHIP, Council of Churches in Mizoram, Mizoram kohhran hruaitute committee, Mizoram Women's Commission, Mizoram Law College, Mizoram Bar Association aiawhte bakah MZU mithiamte, leh officialte telna Mizo hnam dan review committee rawtna an pulut mai a nih thu a sawi a. Mizo hmeichhia in hnamdang pasal a neihin a Mizona a chan tih chu a dik lohna em em a awm lo tih sawiin, a Mizona a chan avangin a fate pawhin Tribal nihna an nei thei tawh lo a ni a ti a, Mizo hmeichhiaten hnamdang pasal an neihin Tribal an ni zui zel ang em tih chu Mizo hnam dan chuan sawi chiah lo mahse a hnawh a ti a, hemi

chungchang hi ngaihtuah zui zel tul a tih thu sawiin, ngaihtuatu tur committee awm thei se a that a rin thu House a hrilh a ni.

CM

Chief Minister chuan tunlaihah global village-ah mihring te an chen tawh avangin hnamdang nena inneih pawlhna a thleng chho zel dawn a, tuma dan theih a ni lo tih sawiin, Mizote pawhin thliarkar rilru an put loh a ngai ve tawh a ti a, amah ngei pawhin Mizoram pawn leh India pawnah te Mizonu hnamdang pasal nei an awmna hmuna Mizo awm ve ten an thlamuanpui, mi fel tak tak a hriat teuh thu a sawi bawk a ni.



MHIP

Mizo Hmeichhe Insuihkhawm Pawl MHIP-in The Mizo Marriage and Inheritance of Property (Amendment) Bill, 2026 chu Mizo hmeichhia te tan, a him lo a, a tha tawk lo bawk an ti a, sut a, siamtha leh turin an phut tih an sawi.

Kan corr report lo ngaithla ang.

MHIP General Headquarter-in thuchhuah an siamah chuan tun thla February ni 23-a Mizoram Legislative Assembly-in a pass tak, The Mizo Marriage and Inheritance of Property (Amendment) Bill, 2026 chu Mizo hmeichhia te tan, a him loh leh a that tawk loh avangin ennawn leh ngei ni se an duh tih an sawi a.

Mizo Customary Law Committee-ah MHIP te tel mahse Bill ah erawh chuan rawn emaw hrilh ve an nih loh avangin an pawm lo tih sawiin, MHIP chuan Mizo hmeichhiate tana Dan tha ber tur leh, siamthat ngai te chu an zir chiang mek a, he Bill passed tawh hi sut a, ennawn a, siamthat leh turin Assembly an ngen tih an sawi a ni.



ACCIDENT

Nizan dar 8:00 vel khan Keifang dai, Champhai Road, Keifang atanga Km 7 velah Truck bungraw phur pakhat chu kawng chhak kawrah a tlan lut a. Motor-a chuang 4 zingah Mualkawi Champhai District a cheng Pi Lalrinawmi (43) chu a hliam tuar lovin a thi.

Motora chuang dang mi pathumte hi vanduai ta Pi Rinawmi laina hnaite vek niin hliam na lutuk an nei lo hlauh.

Pi Lalrinawmi fate pathum, tlangval 2 leh nula 1 te hi tuna Saituala KTP Gen Conference hman mekah an tel ve a. An ni leh thian dangten tawiaawmin ruang hi Saitual Sub Headquarters YMA Inah lak a nih hnuah nizan vek khan an khua panpui a ni.

(Rammawizuala Saitual PTC)



DARZO GRAM SABHA

Nimin khan Darzo Village Council huaihawt in Govt. Middle School, Darzo-ah Darzo Village Council President, Pu Lalramchhana kaihhruiiin Special Gram Sabha neih a ni a. He hunah hian Darzo khawtlang tana thil pawimawh tak tak - Ramngaw, Tuihna leh Nungcha humhalh pawimawhzia ngaihtuah ho niin hemi chungchang hi mipui hnenah a tam thei ang ber zirtir ni se ti a rel a ni.

Special Gram Sabha chuan Darzo-in ramngaw a neih that ber 'Tlangpui Ngaw' chungchang chu an ngaihtuah ho va. 'Tlangpui Ngaw' hi Darzo khaw din a nih atanga vawi khat mah la tuk darh lo ngaw a nih avangin 'Tlangpui Ngaw' chhunga thing hring leh ro chu tuma lak phal loh ni se ti a rel a ni a. Hun remchang hmasa berah Village Council huaihawtin, Darzo tlawmngai pawl hrang hrang te leh khaw chhung Pa rawn ten 'Tlangpui Ngaw' chhung dinhmun hrechiang tura fan chhuah nise tih an rel a ni bawk.

Special Gram Sabha-ah Kangmei Ven chungchang zirtirna neih nghal niin he hun-ah hian khawtlang mi za chuang an kalkhawm a ni.



MUP

Social Welfare Minister Pi Lalrinpuiin Central atanga kum Upate, Hmeithaite leh rualban loten hamthatna an dawn thin cheng tlem te chu tihpun niin cheng 100 la thin ten cheng 1000, cheng 500 la thin ten cheng 1500 leh cheng 300 la thin ten 1300 an lak theih tawh thu a sawi.

Mizoram Upa Pawl Aizawl South II Area Conference Vawi 33 na nimina Aizawl ITI Veng YMA Hall-a neih a hmanpuinaah he thu hi sawiin Pi Lalrinpuii chuan upa pawl ten a tul anganga an hman tur MUP Recreation Centre chu an sak mek thu sawiin, Social Welfare hnuaiyah, ainawn vengah kum upate enkawlna an neih thu leh a bul lawka alzheimer enkawlna tur an sak mek thu a sawi a, National Health Mission hnuaiyah National Programme for Health Care of the Elderly an kalpui reng thu leh senior citizen te tan Mobile Medical Unit Leh physiotherapy an neih thin thu sawiin free clinic te pawh an lo buatsaih thin thu a sawi bawk.

Kum 2026 a Aizawl South-II Area ah hian branch 9 an awm a- Thakthing Veng, Mission Veng, ITI Veng , Venghnuai, Salem Veng, Mission Vengthlang , Dam Veng , Tuikhuahtlang leh Model veng te a ni a, member zat chu mi 2683 niin , mipa 1125 leh hmeichhia 1558 a ni.

(Hruaia Aizawl PTC)



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihtlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

AIZAWL DAY

Ni 3 chhung awh Aizawl Day hman zawh a nih hnuah mipui te ngenna vangin vawiin thleng pawh sei a ni.

Aizawl Municipal Corporation buatsaih Aizawl Day lawmna hi lammualah neih a ni a, mipui hlut tu an tam avang leh mipuite ngenna angin vawiin thleng pawh sei a ni a, he hmun ah hian stall chi hrang hrang te awmin naupang a thlawna infiam theihna siam a ni.

(Hruaia Aizawl PTC)

<><><>

CBC

Sorkar Laipui Information and Broadcasting hnuiaia Central Bureau of Communication (CBC) Field office Aizawl chuan nimin khan Aizawl Chawlhmunna Social Amelioration Society, (DDU-GKY ah Nari Shakti & Viksit Bharat@2047 chungchang zirtirna an buatsaih.

Centre Manager Pu David Lalhumba chuan he zirtirna hun hi kaihruiin, resource person Pu Jerry Lalmuansanga Asst Prof. Department of Political Science, Govt Aizawl North College chuan powerpoint presentation hmangin ziak leh chiar inzirtirna, hriselna leh economic chungchangah te zirtirna a pe a ni.

Hei bakah hian sorkar scheme hrang hrang lo kal te hnenah hriih hriat tharna hun te nei , Quiz competition te siam a ni bawk.

(Hruaia Aizawl PTC)

<><><>

CEO

Chief Electoral Officer Dr. Lalrozama chuan nimin khan MINECO-a a pisa-ah April thla atanga Mizorama kalpui tan tur, Special Intensive Revision (SIR)chungchangah political party aiawhte meeting a neihpui a.

CEO chuan SIR chu electoral roll siam that dan pakhat a ni a, political party aiawhte chu SIR chungchang an party theuha chiang taka hriattir tura kohkhawm an ni tih a hriih a. ‘Ram leh hnam tana thawhona tur pawimawh a ni a, electoral roll thianglim, tha leh dik siam a ngai a, vote thlak tur dik tak chiah an tel tur a ni’, a ti.

Dy CEO Pu James Miahlung sawi danin kum 1951 leh 2004 inkarah SIR hi vawi 8 kalpui a lo ni tawh a, Mizoramah chuan kum 20 chuang kal ta, 2002-2004 inkar khan kalpui a lo ni tawh tih a sawi a. SIR thil tum te, electoral roll hman meka siamthat ngaite a tarlang a ni. SIR atana Mizoram inbuatsaih mek dan tarlangin, electoral mapping chu zaa 91.67 zawh a ni tawh tih a sawi a. SIR atana political party-te mawhphurhna hriihin, duhthusam chuan polling station tinah Booth Level Agent (BLA) ruat ni thei se tih a sawi a. Mizoramah polling station 1301 a awm a, chu’nga party tin BLA neihzat hriattir an ni bawk.